Specimen chemico medicum inaugurale de sale urinae humanae nativo ... / Eruditorum examini submittit Joh. Albertus Schlosser.

#### **Contributors**

Schlosser, Johann Albert. Weiss, Andreas.

#### **Publication/Creation**

Lugduni Batavorum: Apud Georgium Wishoff et Quirinum Visser, 1753.

#### **Persistent URL**

https://wellcomecollection.org/works/ydtr77xp

#### License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org

### SPECIMEN CHEMICO MEDICUM INAUGURALE

DE

## SALE URINÆ HUMANÆ NATIVO.

QUOD

ANNUENTE DEO TER OPT. MAX.

Ex Auctoritate MAGNIFICI RECTORIS,

### D. ANDREÆ WEIS,

PHILOSOPHIÆ ET JURIS UTRIUSQUE DOCTORIS, NEC NON JURIS PUBLICI ET PRIVATI IN ACADEMIA LUGDUNO-BATAVA PROFESSORIS ORDINARII,

NEC NON

Amplissimi SENATUS ACADEMICI Consensu, & Nobilissimæ FACULTATIS MEDICÆ Decreto,

PRO GRADU DOCTORATUS,

Summisque in MEDICINA Honoribus et Privilegiis, rite ac legitime consequendis,

Eruditorum Examini Submittit

### JOH. ALBERTUS SCHLOSSER, ULTRAJECTINUS.

Ad diem 12. Junii 1753. bora locoque solitis.

Multum egerunt qui ante nos fuerunt, sed non peregerunt, suspiciendi tamen sunt, & ritu deorum colendi.

Seneca Epist. 64. ad Lucilium.

Apud CUIRINUM VISSER, 1753

Anicippino Wagenis in Amicitia Sure memoriam donavit Auctor. 9.1 A: Schloffer

SPECIALS ALCHEMICO PREDICTIVE JAMEDOUANI SALE URINA HUMANT OVITAM TEM TOP HET OUR ETWINGTH. Explanding Magnifical Richards D. M. A. IV. D. R. D. VE. A. V. A. M. C. THE PROPERTY TO REPORT HE REPORT TO BEING CONTRACTOR NON SECTION OF THE PROPERTY OF STREET ASSESSED. LOGOUND-DATE FLOW SERVICE CAUNTING CHILD Augiller Service Veto Veto Miles Sentalique is Menace and Iteration as James and the circumstice the washing confequences TO HE A DEPARTED SELECTION OF SELECTION Addition in Store than dury brown files And the state of t The second second second second second TO CONTRACTOR SOROECI CONTRINCE UMISIUS) Anicifina Haylned in Amailia onia mornion don poil Anelon CASH Schle go

### VIRIS

### CELEBERRIMIS

### D. THOMÆ SCHWENKE,

MED. DOCT. ANATOM. ET CHIRURG. PROFESSORI APUD HAGANOS P. O. CIVITATIS ILLIUS SENA-TORI, POLIATRO, OFFICINÆ PHARMACEUTI-CÆ INSPECTORI ETC. ETC.

COGNATO ÆSTIMATISSIMO.

### D. JOHANNI ALLAMAND,

A. L. M. PHILOSOPH. DOCT. PHILOSOPHIÆ, AC MATHESEOS, IN ACAD. LUGDUNO BATAVA PROFESSORI P. O.

Studiorum fuorum fundatoribus atque fautoribus optimis, specimen boc Inaugurale, ut tesseram grati animi publicam.

D. D. D.

J. A. SCHLOSSER.

ipso vigesimo natali suo.

BIRIVE

# EEE EEE EEE EEE

DE THOMES SCHURENCERNES, NE CHIRDRES PROFESSORI APUD HAGANDS D. O. C. VIJATES DE DIS SENA.


COCKATO ESTALLITISSIMO.

D. C. JOHEANNI ALLANNING ACAD. LUCUSINO DATAVA. ACAD. LUCUSINO DATAVA. PROPESSORI P.O.

for Leadictics Justian Fordshoots of State State of State Office of State State State of State S

a a a

J. A. S. C. H. L. O.S. S. R. R. .



uum Chemiam juxta annuum Cel. Gaubii ductum hac in Academia (quod semper gloriabor) addiscerem, scientiæ illius Amor faciebat sæpe, ut, vel quæ certo respectu cæteris pulchriora erant

experimenta, vel quæ præ aliis placerent, domi repetere, sicque ipse manus operi admovere inciperem; et quemadmodum scintillam flamma sequitur, brevi ego, etiam ab aliis Auctoribus descriptos, et inter legendum arridentes mihi processus, (uti ajunt, Chemicos) instituere non dubitabam, præsertim si Auctoris probata in scribendo sinceritas foret: (Qualem in summi Boerbaavii scriptis Chemicis, quoties evolvo, summopere admiror.) Hoc incedens tramite, confectus

Elurus aliquando salem nativum urina juxta Cl. Boerhavii præscriptionem (vide Chem. ejus part. 2. pag. 319.) Contigit, quod praparatam debite urinam quum in cellam frigidiorem reposueram, ut quiesceret ibi per anni spatium, sicuti bac omnia injungit Cl. Boerb. postquam per mensem unum alterumve reposita fuerat evaporata hac urina, dum forte fortuna conspicio & effundo, viderim jamjam fundum vasis, veris crystallis salinis iisdemque satis copiosis, esse obsessum; reposito autem boc vase suo iterum in loco, absque ulla adbuc nata mibi suspicione, accidit alia vice, quum iterum de nova urina salem istum parare contendebam; quod protracta per negligentiam nimis diu evaporatione, respectu Methodi Boerbaav. viderim post unius noctis quietem salis ejusdem Crystallos aliquot regulares secessisse: bine demum prima mibi nata est suspicio, non opus fore evaporata urina quiete per annum integrum, ad acquirendum inde salem desideratum; sed illum forte, instar aliorum salium, nyEthemeri spatio ad Crystallisationem posse adigi; qua propter tunc banc in rem inquisivi sedulo, inveni etiam Methodum talem & signum, cuticula aliorum salium solutionibus innascenti analogum, vel

vel saltem aque certum; quum bac inveneram, inde orta quadam prurigo fecit, ut etiam inceperim examinare, quanam de dotibus bujus falis prostarent descripta, vidensque Boerhaaviana equidem pro generali notione ejus sufficere, non vero specificas dotes & naturam exacte docero; du in isthac fui opinione, præter Boerhaavium neminem Chemicorum bujus salis examen scriptis mandasse publicis; donec Benevolentia Celeb. Allamand (cui insuper pluribus obstrictissimus sum nominibus) notionem accepi eorum, que Hauptius & Marggravius super istum salem evulgavere; vidi tunc Hauptium in sua Diatriba Chemica de sale Mirabili perlato urinæ parum solidi novique docuisse, celeberrimum vero Marggravium in Miscellaneis Berolinensibus Tomo. 5. 6. 7. sed prasertim in Historia Academia Regia Scientiarum Berolinensis, gallice edita Anno 1746. tot tantaque ac tam pulchra novaque prorsus exhibuisse experimenta, super partem acidam salis nostri seorsim consideratam instituta, ut satis laudare vel mirari nequeam. Certe si partem volatilem salis nostri, ut & salem integrum simili modo examinasset, absolutissimam omni respectu salis bujus bistoriam tradidisset. Videns igitur virum bunc SPE

bunc Celeberrimum quædam experimenta vel non instituisse, vel saltem non evulgasse, quæ tamen ad persiciendam istius salis notionem requiri videbantur; insuper non demonstrare salem nativum, ex urina putresacta methodo sua paratum, esse præcise ejusdem naturæ, ac ille qui ex urina recenti consicitur, & plura alia similis farinæ superesse dubia, tantæ sui audaciæ, ut me horum indagationi accinxerim non modo, sed & sub forma bujus dissertatiunculæ in lucem edere non erubescam eorum, quæ sic institui, experimentorum descriptionem; quæ si rei dignitati non respondeant, a quo instituta sint, computet secum Lector Quæso.



CHARGE



#### SPECIMEN INAUGURALE

DE

## SALE URINÆ HUMANÆ NATIVO.

S. I.



alis, de quo agam hoc Libello, unicum, ad ejus folius significationem determinatum, nomen, usu recepto consirmatum, cum non habeatur, variis autem a variis designatus sit titulis, necesse duxi hos prius tradere, antequam ipsius salis examen siat. Vocatur vulgo Sal Lotii, Sal Urinarius, Sal Nativus Urinæ, Sal Fusi-

bilis Urinæ, Sal Urinæ Perlatum Mirabile, Sal Crystallinum.

1. Salem Urinarium a suo vehiculo, unde extrahitur, satis

proprie & simpliciter appellavit Helmontius.

2. Salem Nativum vocat Boerhaavius, & cum eo Henkelius Redivivus, Partis seçundæ sectione octava, pagina 165. quia sal A 3 ille uti pars ad totum pertinet, & in toto jamdum Essentialiter aderat, sed tantum obvolutus latebat; (sunt verba Henkelii.)

3. Salem fusibilem dixit Marggravius, ob unam ejus inlignem

proprietatem, qua lenissimo funditur igne.

4. Sal Urinæ Perlatum Mirabile, fatis mirabili nomine, vocat

Hauptius in fupracitato Tractatu.

5. Sal Crystallinum ubi appellat Boyleus, videtur non adeo id fecisse ad distinctionem ab aliis salibus neutris, qui etiam in crystallos abeunt, sed potius respexisse ad alios sales etiam ex urina productiles, quos simul enumerat, & qui non per cry-

stallifationis modum ex urina eliciuntur.

Varia autem hæcce a variis, uti patuit, Auctoribus nomina in genere quidem fali ex urina per crystallisationis modum educendo data suere, non autem sali illi soli qui ex urina recenti paratur, neque illi qui ex putresacta; cum autem, uti postea demonstrabo, unus idemque sit sal, sive ex recenti sive ex putresacta paratus suerit urina, si modo purus habeatur; hinc in Titulo hoc non destinxi; addidi autem urinæ humanæ, quia nescio, an quodlibet animal, variæ indolis salem præbeat ex sua urina, uti id Helmontius §. 58. Libri de sextuplici digestione statuere videtur; certe meretur id examinari, patetque campus latissimus.

Oporteret, ut jam certo definirem, a quo tempore cognitum fuerit hujus schematis subjectum: ast fateri debeo sufficientem Chemicorum scriptorum secturam desicere, ita ut certi nihil affirmare ausim; id vero quantulumcunque, quod levis & in-

choata ejusmodi lectio me docuit, lubens proponam:

In Paracelso si quæ sit hujus salis mentio, est obscurissima, habebiturque in Libri de Naturalibus rebus capite quarto paulo ante Epilogum Capitis. Vel in Libro de Morbis tartareis Capit. 13. circa sinem, ut & Capit. 15. in medio Capitis.

Helmontius autem pluribus apertiusque de eo locutus est; præsertim §. 58. Libri de sextuplici digestione Alimenti bumani, pagina mihi 176: 177. Cæterum & in aliis hisce locis.

in Libro de Lithiali, Cap. 3. §. 19. 21, 22, 23. 7. §. 22. in fine.

Sex-

Ast in omnibus hisce vix quicquam præter merum nomen salis habetur. Recentiornm vero primus, uti in multis aliis, Illustrissimus Boerhavius hujus salis parandi methodum quandam exhibuit, additis quibusdam de ejus natura verbulis, vide processum 98. Tom. 2. Chemiæ ejus. Pluribus autem aliis, sparsis hinc inde locis, dotes quasdam hujus salis vel absolute tradit, vel conjecturis assequitur; quas tamen sæpe experimentis Marggravii meisque non respondere observavi; vide Boerhaave Chemia Tomi primi pagin. 66: 67. & pagin. 648. Tom. 2. pag. 305. 306: 307, 310, 312, 314, 317.

Hauptii & Marggravii opuscula in Procemio commemoravi; cæterum in Henkelio Redivivo Capitulum de eo habetur peculiare, inque aliis libris recentiorum hinc inde memoratur;

quos omnes enumerare & inutile duxi & tædiofum.

Beccherum, Kunkeliumque de hoc sale scripsisse dicit Hauptius; sed quænam dixerint, & quo loco, utinam indicasset? qui vero plura desiderat, videre potest celeberrimi Halleri notas in Methodum studii Medici Hermanni Boerhaave, nuperrime editam Tom. 1. pag. 417. & 418.

### S. II.

Sal ille educitur ex urina, in genere per modum Crystallisationis; hic autem duplex est, vel enim instituitur in urina recenti, vel in urina prius in putredinem deducta.

fime descriptam, primus, quantum scio, tradidit clarissimus Boerhaavius; post eum Henkelius Redivivus, sectione octava partis secundæ, ubi de conficiendo sale nativo agit; etiam illum

ex urina recenti parare jubet; discrepat autem in quibusdam circumstantiis, (quas statim suo loco notabo) a Boerhaavio, neque adeo exactum fervat in describendo processu ordinem; Boerhaavii igitur Methodus, descripta in processu 98 Tomi fecundi Chemiæ ab ipso editæ, in eo consistit, ut urina st evaporanda, donec spissitudinem cremoris lactei habere videatur, sicque filtrata reponatur in cellam per integri Anni spatium quieta: laborat igitur his incommodis ea Methodus, quod primo terminus desistendæ evaporationis sit mere conjecturalis, nullo existente signo certo diagnostico. 2º. quod longissimum tempus, quale est anni spatium, postulet ad falis feparationem. Cum autem, post plurima hunc in finem instituta experimenta, invenerim signum certum diagnosticum fatis diu protractæ evaporationis; 2°. compertum habeam non opus esse anni spatio, sed sufficere nychemerum unicum; 3°. prima, imo fecunda vice non exhauriri urinam. fed repetitis vicibus in eadem urina fimilem institui posse crystallifationem; volui potius Boerhaavii verba & descriptionis ordinem hisce meis inventis accommodare, quam tanti Viri vel ullo respectu censor videri. Si quis igitur salem nativum copiose citoque ex urina recenti parare velit, sequenti procedere posset ex præscriptione, quam si cum verbis Boerhaavii comparat, facile videbit, quæ retinuerim addiderimve.

Urina recentissima ultimæ digestionis hominum optime valentium, statim igne ad sufficientem vaporum copiam æquabilem continuo excutiendam requisito, hinc sensim per gradus augendo, ex vase purissimo non inquinante exhalet tamdiu, donec incipiat primo spumam tenuem raram hinc inde colligere, hanc porro augere sensim sensimque, donec liquoris tota superficies levi tenuique tali spuma tecta sit; qua visa, liquor statim de igne sublatus servidissimus percoletur per sacculum colatorium; colatione limpidus redditus liquor, in vas purum calidum receptus, charta simpliciter circumligata tectum, reponatur quietum per nycthemeri spatium: concrescent circa fundum totum undequaque, etiam ad latera, crystalli salinæ,

folidæ, duræ, fubpellucidæ, ex rubro fuscæ; supernatabit liquidum crasciusculum, ex rubicundo nigrum, ad attactum pingue; effundendo hoc separetur, aliquali copia aquæ calidæ diluatur, ficut ante iterum evaporetur eundem denuo ad usque terminum; dabit de novo fimiles crystallos, effundatur iterum & tractetur eodem modo toties repetitis vicibus, donec falis nihil amplius exhibeat; collectæ vero crystalli salinæ, affusa aqua frigidissima & concusta cum illis citoque effusa, depurantur ab oleofo inquinamento urinofo adhærente; quo facto ficcatæ fervari possunt, vel pluvia destillando pura solutæ, in crystallos regulares, & repetitis solutionibus ad summam puri-

tatem deducendas, cogi.

Ne autem levi nimis de caussa nova obtrudere videar, sequentia instar scholiorum hujus Methodi haberi possunt. 1°. Ignis tenorem a Clarissimo Boerhaavio traditum, ducentorum nempe graduum, æqualiter continuatum tota durante evaporatione posse quidem adhiberi; sed si stricte loqui liceat, videtur talis calor in initio nimius, in fine non fufficiens esse: faltem id contemplanti constabit, tali ignis gradu in initio excuti copiam vaporum maximam, dum ad finem properante operatione vix dimidium eorum observabitur; in initio enim longe maxima datur aquæ ad cæteras partes urinæ proportio; hinc foleo ignem ita moderari, ut fufficiens vaporum copia quantum licet æquabilis ab initio ad finem usque excutiatur, augendo nempe ignem prout aquæ copia exhalando minuitur.

2°. Quoad terminum a me in descriptione hujus operationis propositum, ad dignoscendam satis diu protractam regulari pro crystallisatione evaporationem, observavi signum istud ejus diagnosticum, spumam &c. nempe toties obtineri, quoties curetur in fine operationis fat magnam vaporum copiam, nec tamen nimiam, excuti; fed si ignis circa finem adhibeatur tam debilis, ut vix exhalare liquorem cerni possit, tunc fæpe contingit spumam talem completam non apparere, sed vel nihil spumosi vel leve modo ejus vestigium; sique tali igne pergitur, haud raro vidi loco spimæ veram cuticulam liquori innascentem, persecte sicuti cum aliis salibus sit; sed tunc

tune fimul excidit jamjam pulvisculus tenuis splendens valde, vere falinus, eo copiosior quo plus protrahitur talis evaporatio, imo si ex supra data præscriptione, justo regimine ignis præcise ad terminum traditum, neque ultra, evaporatio sueric facta, filtratus liquor ubi quiescendo eundem cum athmosphæra, in qua versatur, caloris frigorisve jamjam obtinuit gradum, fere semper innatantes suæ superficiei crystallos cuticulam formantes exhibet; si autem circa finem ignis sit nimius, tune spuma quidem nascitur, sed procul dubio antequam revera sufficienter evaporata sit urina; ast insuper tunc citissime ex tenui in tenacem, ex rara in copiosam densam mutata, attollit se ultra superficiem liquoris; sique tunc pergitur fovendo ignem, postquam mole sua omnem fere impediverit evaporationem, ultra vasis margines adscendens elabitur, excidente quoque fimul pulvere falino fplendente, ad vasis fundum.

3°. Repetitam de novo crystallisationem urinæ, talem semel jam passæ, clarissimus Boerhaavius non in usum vocavit; an quod putaverit quiete per integrum annum omnem perfecte falem excuti? Ego, cum isthac iteratione quoque nondum uterer, dum nihil nisi modum traditum parandi salem per nycthemeri spatium inveneram, torquebar valde difficultate quadam, ex eodem orta fonte: nempe dicebam: inveni equidem methodum præparandi falem Nativum spatjo nychthemeri, ad qualem parandum Boerhaavius annum integrum requirit; sed forte, (dicebam,) ille ex eadem urinæ copia plus falis acquirit. Ut hoc edifcerem, colligebam notabilem urinæ ad dimidium, cum adhuc recens effet, inspissatæ copiam; miscebam exacte & evaporabam totam molem ad terminum Boerhaavii, (conjecturaliter, quia nullum certum ejus est signum;) dividebam tunc ad stateram exactissime in duas partes; unam reponebam in cellam, ut per annum ex Boerhaaviana methodo quiesceret, alteram evaporabam ad terminum meum, & crystallisatione peracta salem productum ablutum ficcatum ponderabam, idem cum prima parte, elapfo anno, facturus; sicque ex differentia ponderum acquisitorum salium

lium conclusurus: sed cum brevi post inchoatum hocce experimentum inveniebam prima vice minime exhauriri urinam ad terminum meum evaporatam, sed bis, imo ter quaterque in eadem urina similem posse repeti Crystallisationem, facile vidi impossibile esse Boerhaaviana methodo vel dimidium salis Nativi qui urinæ inest posse educi, unde & experimentum statim memoratum non prosecutus som: si vero quis dubitet de hac assertione, facile simili experimento convincetur; vel & exinde quod urina Boerhaaviana ex methodo, post annum licet quieverit, excusso de sale decantata, adhuc bis, ter, quaterque possit ad crystallisationem deduci, aeque ac si ex mea methodo, post primam evaporationem per nycthemeri spatium quievisset modo.

Hæc spectant consectionem salis nativi ex urina recenti, quam ego novi, optimam: eorum autem, quæ ego Boerhaavianæ methodo addidi, Henkelius redivivus, loco supra citato, id quoque habet, quod plus una vice repetat crystallisationem; ast dicit, plus quam una vice si repetatur, nihil salis veri ultro secedere, quod tamen contrarium expertus sum: de tempore quietis cum nihil dicat aliud quam Boerhaavius, vel potius nullum determinet tempus, neque signum certum diagnosticum satis protractæ evaporationis tradat, non opus erit ulterius istis inhærere. Cæterum non novi ullum alium Auctoren,

qui falem nativum ex urina recenti parare docuerit.

2°. Methodus est illa quæ urinam jubet jamjam putresactam, non autem recentem, evaporare & ad crystallisationem de ducere; hanc & Marggravius & Hauptius injungunt, sere simili modo, quo Boerhaavius de salis Nativi ex urina recenti consectione loquitur: videtur mihi autem non improbabile, signum diagnosticum sufficientis evaporationis, quod de urina recenti tradidi, ut & solius nycthemeri per spatium concessam quietem, ac repetitam crystallisationem, eodem modo obtinere in urina putresacta sic tractata, quam in urina recenti; sed Experimentum mihi non prostat.

Quum autem Methodi hæ binæ eundem præcise salem exhibeant, uti infra patebit, curiosus sui scire quanam methodo major acquiratur salis copia; præsertim cum Celeberrimus B 2 Marg-

Marggravius, in supra laudati tractatus J. 60, determinet copiam falis puri ex urina putrefacta per illum educti. Hunc in finem uncias 50 urinæ recentis hominis fani, ultimæque digestionis, evaporavi ex vase vitreo donec signum supra descriptum moneret esse desistendum; filtravi id quod tum supererat per manicam Hippocratis dictam parvulam, nondum ulli operi adhibitam, sed leviter madefactam, ne nimium humoris attraheret; omne liquidum transfudatum ponderavi; inveni pondus esse unius unciæ cum dimidia, & binis cum dimidia drachmis; ut itaque inde didicerim urinam recentem, evaporando usque ad meum terminum, amittere 48 7 partes quinquagesimas: postea repetitis itidem experimentis deprehendi, quamlibet dimidiam libram urinæ recentis, inspissatæ ad terminum meum, dare falis purissimi quinque drachmas; unde concludo, centum & viginti pintas urinæ recentis daturas fore quatuor pintas & feptem uncias spissamenti ad crystallisationis terminum deducti; hæ vero quatuor pintæ cum suis septem unciis, repetitis, & spisfamenti, & falis inde acquisiti crystallisationibus, darent præcise falis purissimi fex uncias cum dimidia atque duabus drachmis; dum Celeberrimus Marggravius ex eadem urinæ copia tres, vel ad fummum quatuor, uncias fua fe separare methodo dicit, S. fexta fui, fæpius, non tamen fatis, laudati Tractatus. certe evidens hujus differentiæ ratio est, quam & optime detexit idem Auctor. (videatur J. feptima Marggravii;) nempe dissipatio salis volatilis alcalini, quæ methodo Marggraviana incredibili fit copia, ob conciliatam putrefactionem, cuius, ut notum est, primarius est effectus, dum qui urinam recentem tractat hac ex parte nullum patietur detrimentum; præterea eadem in urina fæpius repetita crystallisatio necessario longe majorem præbebit falis copiam, quam unica.

Hæc funt, quæ quoad falis nativi confectionem dicenda habui; priusquam vero ad hujus falis dotes accedam, pauca dabo de phænomeno quodam, fub confectione falis obvio, cujus in causam & indolem inquisivisse forte non inutile erit; nempe quoties urina recens prima præsertim vice evaporatur, postquam coloris intensitas, cum opacitate liquoris, augeri parumper incepit, fit quasi præcipitatio per evaporationem lenta, &, post-

quam

quam incepit, æqualibus fatis cum evaporatione gradibus procedens, materiei, quæ & pulverulenti & mucosi aliquid habet; neque, quam diu non est siccata, ullatenus splendet, sed pinguis femper apparet, ficcando vero pulverulenta fit, ac aliquantulum splendens; haec, evaporata satis urina, colatione ejus folet inde separari: jam quæritur cujusnam hæc materies sit indolis? Celeberrimus Boerhaavius, dum ei nomen tenacis olei dedit, eam non accurate fatis videtur examinasse; dicit quippe, de salis nativi præparatione agens, - tum fervidus fere liquor percoletur per sacculum colatorium, ut Oleum Tenax in eodem aliquantulum retineatur & separetur. Cæterum ipse Boerhaavius nullo alio in loco ejus mentionem fecit; aliorum vero Auctorum nemo (quantum novi) vel verbulum de eo locutus est. Curiosus ergo ex quibus partibus constarent hæ foeces, angue forte forent oleum tenax quoddam glaciale Butyraceum, vel falis cibarii terræve elementaris moles? nihil mihi melius vifum est, quam igni fortissimo in vasis clausis committere, residuum siquid foret igne aperto calcinare, & cineres fic acquifitos aqua bulliente edulcorare.

### J. III.

Hinc retortulæ parvæ, in balneo arenæ collocatæ, immisi fœcum istarum, fere siccarum, uncias quatuor cum dimidia; igne per gradus aucto ad summum usque, prodiit in initio phlegma excolor; hoc excipiebat liquor coloratus alcalinus, post quem vaporum alborum, ficcum falem alcalinum volatilem copiofisfimum, & parum olei flavi præbentium cohors apparuit, ex quorum in prodeundo ordine, natura atque copia, clarissime patebat cuncta hæc non esse vi ignis illicita exfoecum harum corpore principia, sed ignem hæc ex adhærente foecibus illis urina inspissata expulisse; quod extra omne dubium ponitur, si consideremus foeces istas, ubi eas retortæ commisi fuiste modo fere ficcas; id est, habuisse talem tantum siccitatem qualem in suspensa dum hærent manica, postquam omnis liquor transudaverit, acquirunt; ita ut multum urinæ inspissatæ tenacis ad-B 3

adhæsisse facile sit intellectu, præsertim cum & mollities unguentaria, & ad attactum pinguedo, hanc pro sua causa agnoscant.

2°. Si hujus experimenti producta &c. comparantur cum illis processus nonagesimi quinti Boerhaave Chemiæ tom. 2. pag. 311. hinc necesse non duxisproductorum quorumlibet copiam exacte determinare. His factis inveni in retorta superesse massulas parvas, nigrescentis vel cinericei coloris, levi pressione in pulverem subtiliffmum dilabentes, ad pondus unciæ unius cum dimidia & tribus drachmis; quum vero ex colore pateret phlogisti aliquid adhuc inhærere, non excusto quippe omni oleo, & peracta operatione in valis clausis; hinc istum pulverem in crucibulo calcinavi, qua calcinatione excussis densis fumis, color mutatus in cinericeum albescentem simul & totius maffæ pondus reductum ad unciam unam cum tribus drachmis; cineres demum hofce aqua bulliente tamdiu edulcoravi, donec isthæc insipida plane inde rediret; pulverem aqua infolubilem remanentem tunc, infipidum & terrestrem, ad ignem siccatum, examinavi iterum ad stateram, & inveni ejus pondus feptem esse drachmarum: restabat jam nil nisi materiei istius aqua solubilis examen; quare filtratione limpidissimam illam folutionem fequentibus modis examinavi.

1°. Gustui exhibebat saporem salsum, nullatenus urinosum vel acidum, sed vere salsum instar muriæ salis communis.

- 2°. Evaporando aliquamdiu vidi, crystallulos salinas, cuboideas, innasci solutioni jamjam concentratissimæ, sicuti sub salis marini contingit per evaporationem crystallisatione, qualibus cristallulis vere cubicis, totus quoque sundus vasis post refrigerium obsessus inveniebatur.
- 3°. Syrupi violarum colorem mutare nullatenus valuit admixta folutio.

4°. Alcali fixo mixta ejus folutio placidissime coivit.

5°. Cum Alcali volatili nullam effervescentiæ notam dedit

6°. Acido salis mixta est ejus solutio præcise simili effectu.

7°. Sicci jamjam redditi salis parvæ portioni, affudi olei vitrioli fortissimi, ac purissimi, guttas aliquot, statimque excussi vapores albi copiosi, odore suo singulari, pungente, acri, acidum salis excuti clarissime docuerunt.

8°. Aqua fortis injecto hoc fale in optimam aquam regiam

mutabatur.

9°. Prunæ impositus ille sal fortiter admodum decrepitavit.
Unde patet non modo esse salem neutrum, sed esse verum salem marinum.

Subducta autem ratione fæces tales (quales nempe ex manica defumuntur) amittunt in igne fere tres quartas partes totius sui ponderis; non autem plenarie, dum ab unciis quatuor cum dimidia remansit unica uncia cum tribus drachmis; itaque si adhuc binas amissisent drachmas, præcise ad unam quartam partem sui essent reductæ; tres vero partes amissæ, uti itidem ex priori parte hujus s. patuit, suerunt mera urina inspissata, remanentibus postea cineribus adhærens; Hi cineres autem constare deprehensi sunt ex sale marino & terra purissima, subtilissima; hac proportione, ut sal constituat quatuor partes undecimas, terra autem septem; undecim enim drachmæ cinerum dederunt quatuor drachmas salis, remanentibus drachmis septem terræ.

Jamne igitur patet, non esse oleum tenax quod siltratione debet separari ab inspissata urina, sed esse salem marinum, terramque, & urinam ipsam inspissatam isthæc obvolventem? nonne etiam salis marini, in cibo potuve assumti, immutabilitas

hocce docetur experimento?

Erraruntne aliquando Chemici, qui, non attendentes ad hasce sæces, partium post urinæ recentis, inspissatæ & siltratæ prius, ex retorta distillationem analyticam remanentium, naturam & proportionem ad se invicem, atque ad alias, quoad

copiam tradiderunt?

Terra autem, post cinerum persectam edulcorationem remanens, siccata plane & in pulverem dilapsa, id quoque habet, quod licet urinæ evaporatio, inspissatæ filtratio, sæcis calcinatio, in terreis vasis & linteo peracta sint, tamen admoto magneti statim adsiliant sese erigentes prius particulæ, hinc magneticæ dictæ, & quidem satis insigni copia.

Copia horum cinerum, vel potius fœcum, in qualibet urina pro assumtorum varietate varia dum erit, est cur in eam non exacte inquisiverim.

### g. I V.

Expositis illis quæ ad salis hujus confectionem spectant, natura, dotes specificæ, habitusque ad alia corpora ipsi applicata &c. nunc veniunt indaganda: cum autem folitus fuerim falem parare ex urina recenti; celeberrimus vero Marggravius de sale nativo ex urina putrefacta per illum educta tractatum sæpius citatum ediderit, in quo demonstrat salem istum, destillatione simplici ex retorta, absque ullius rei additione, refolvi præcife in duas ad stateram æquales partes, sed natura diversissimas, de parte volatili nullum det experimentum, ast dicat prope accedere ad indolem spiritus salis ammoniaci cum calce viva parati; partem autem fixam omni certe modo examinaverit, & per pulcherrima experimenta docuerit esse verum acidum, & quidem fortius omnibus huc usque cognitis acidis &c. (vide ipsius auctoris libellum, Historiæ Academiæ regiæ scientiarum berolinensis, Anno 1746. gallice editæ insertum.) Inde necesse duxi ea ante alia tradere experimenta, quibus constaret salem nativum, ex urina recenti paratum, præcife simili gaudere compositione & exinde fluente natura.

Igitur unciam integram falis nostri purissimi, siccissimi, immissi retortulæ, quam in ollula furni becheriani positam, appenso excipulo, rimisque luto obsignatis, caleseci prius; postea auxi sensim sensimque ignem, donec guttæ roridæ apparere incipiebant, ex quibus orto in excipulum stillicidio, continuavi istum caloris tenorem, donec nihil amplius de retortæ naso in vas excipiens deplueret, quando & ollam serream ad ignitionem deduxi; his peractis refrigeratum apparatum, solvens, inveni in excipulo liquorem limpidum, æquabilem, sine sale oleove manisestis; in retortæ collo autem conspiciebantur aliquot longa tenuia silamenta salina, quasi crystallina, sed propter exiguam copiam omne examen accuratius essu-

gien-

gientia, in Retortæ autem fundo inveniebam massam grisei coloris, porosam, quasi in Bullas a parte superiori veluti crepando apertas elevatam, cujus pondus exacte unciam dimidiam

æquabat.

Ut itaque ignis falem istum in bina quoad pondus æqualia resolverit producta; sed quorum natura ulterius est examinanda. Videtur autem celeberrimus Boerhaavius, quum observaverat falem nativum igni expositum, exhibere magnam alcali volatilis copiam, ibi substitisse, residuum non examinasse; sed mox conclusisse salem totum quantum vi ignis ex neutro & blando mutari in alcali volatile acerrimum, quod ex ipfius verbis concludo, quæ habentur pag. 312. tom. 2. chemiæ ejus ubi dicit: ", hinc apparet falem nostrum urinosum ,, non esse alcalinum sed certo gradu caloris talem fieri posse, , tum patet falem nostrum urinosum non esse ammoniacum. , quia fal ammoniacus, certo gradu caloris volatilis, per eum , tamen sublimatus, nunquam alcalinus fit, sed compositus ,, remanet, quotiescumque id fiat; quum sal urinæ etiam quidem naturæ femi fixæ, certo tantum gradu caloris reddatur volatilis; fed tum ilico est alcalinus, & prius ingenium salis compositi penitus exuit. Accedit ergo ad naturam alcalini & ammoniaci, sed tamen neuter horum vere existit. Ut & pagin. 327. fal autem ipse hic neuter in verum alcali , putrefactione transit &c. " Ast quis est, qui tale quid Viro tot tantisque occupato, fed cæterum fui temporis fagacissimo haud fæpius accidisse non miretur? sed ut ad experimenta redeamus liquor in excipulo contentus, qui paulo minus dimidia uncia suo æquabat pondere, totus quantus transierat sub forma guttarum roridarum aquofarum.

2º. In frigore depositus, imo evaporatus in vasis clausis nullas

dedit crystallos.

3°. Summopere volatilem deprehendi.

4°. Coloris erat non perfecte aquei, sed levissime flave-

5°. Odoris acerrimi pungentis, & adeo convenientis cum
C illo

illo spiritus salis Ammoniaci cum calce viva parati, ut putem ne vel exercitatissimum olfactum ab eo sore distincturum.

6°. Saporis itidem plane urinofi linguam quafi urentis.

7°. Mixtus syrupo violarum colorem ejus viridescere fecit.

8°. Solutionem Mercurii sublimati corrosivi aqua factam præcipitabat hic liquor, orto simul colore albissimo.

9°. Solutionem aluminis etiam præcipitavit.

10°. Posito isthoc liquore intra vas apertum, cui proxime appositum erat aliud vasculum similis magnitudinis, itidemque apertum, continens autem acidum vitrioli purissimum, licet vascula satia angusto ore patula, & vix ad unam tertiam sui plena forent, tamen confestim sumus albus apparuit visibilis in athmosphæræ parte aperturis vasculorum incumbente.

ficatissimo, dixisses prunam ardentem aquæ frigidæ injici, talis subitaneus strepitus acutus, attamen brevissimus, levi effervescentiola & sumo quodam visibili comitatus nascebatur, quæ omnia simul atque oriebantur, iterum desinebant sere, sumi vero excussi odor singularis admodum aliquid aromatici habens, non valde acer aut suffocans videbatur.

12°. Cum acido nitri purissimo placidissime coivit.

13°. Relationem ad acidum falis fincerissimum quoque similem habuit.

14°. Cum sic hujus spiritus habitum descriptum ad acida sossilia, similem illi spiritus salis ammoniaci cum calce viva parati, miratus sueram, curiositas invasit hosce spiritus etiam acido aceti purissimo applicare; præsertim dum apud nullum eorum quos ego perscrutatus sum auctorum, ulla talis experimenti mentio mihi nota prostaret; hinc spiritum hunc salis nativi quum deposuissem intra vasculum altum satis, ad sui tertiam non repletum eo, angustoque ore aperto patulum, admovi spiritum aceti vini sortissimum, & purissimum, cum creta paratum, contentum in simili, præcise vasculo, sic ut erestorum vasculorum oscula sibi mutuo essent proxime apposita; & ecce vapor albus non modo apparuit uti in N°. 10. sed vel duplo citius exortus est, & longe quoque majori in copia

fese conspiciendum præbuit. ita ut vasa ad integri pedis distantiam a se remota, sed sic disposita, ut aeris ventilatio exhalans invisibile spiritus salis nativi impelleret ad acetum, ille vapor nihilominus cerneretur sacile supra apertum acetabulum; affundendo autem sibi invicem hos liquores nulla notabilis effervescentia nata est, sed exhalatio vaporum copiosissima; eadem repetendo cum eodem aceto & spiritu salis ammoniaci cum calce viva parato, eosdem præcise eventus habebam;

15°. Alcohol vini perfectissimum, per alcali sixum paratum, sed sæpius ex altis vasis rectissicatum, huic spiritui cum in vase siccissimo admisceretur, instar aquæ cum illo uniebatur, eadem tempestate, qua idem alcohol cum spiritu salis ammoniaci vulgari simili tractatum modo, offam Helmontii dabat

pulcherrimam.

Ex quorum experimentorum contemplatione constat, liquorem hunc esse alcalinæ volatilis indolis in genere quidem, sed pertinere ad istam singularem alcali volatilis speciem, cujus exemplum princeps est spiritus salis ammoniaci per calcem vivam

paratus.

Residuum ergo in retorta restat examinandum, quem in finem illud crucibulo novo immiss, quod apertum nudo impossui igni sensim eo usque aucto, ut crucibulum una cum contentis persectissime rubesceret, quando vidi massam illam ad sluorem esse redactam, subito essudi supra cupri politam laminam frigidissimam, sicque refrigerare permiss; inveni tunc frustum quassi vitreum, compactum, pellucidissimum, continuum quidem, sed refrigerando rimis quasi sissum, in aëre non deliquescens, neque etiam persecte siccum remanens, sed supersicie sua exteriore undique piceam tenacem quasi humiditatem induens, ita quidem ut tractu temporis fere totum extus mollescat.

b. In aqua triplo perfecte folubile.

c. Evaporata ejus folutio nil crystallorum dedit,

d. Solutio hæcce instillata alcali volatili purissimo, & forti admodum, ex urina humana putrefacta parato, satis notabilem præbuit effervescentiam, imo aliquomodo violentam; qua cessante ubi saturatio persecta est obtenta, si evaporetur

mixtura, fit crystallisatio salis sali Nativo nostro simillimi, qui igitur sal nativus regeneratus poterit appellari.

e. Alcali fixo vegetabili, ex cineribus clavellatis parato,

ficcissimo, commixta strenue deferbuit.

Itaque puto ex iis, quæ in initio hujus Paragraphi de falis nativi, ex urina recenti parati analysi dicta sunt, ut & ex quinque his ultimis experimentulis, probasse me salem nativum urinæ recentis esse perfecte ejusdem naturæ, indolis, compositionisque, ac ille qui ex urina putresacta paratur, & de cujus parte acida tam multa, tamque egregia, primus docuit chemicos Marggravius; quare partis illius acidæ examen ulterius non suscepi, lectorem chemicum ad issum auctorem relegans: non possum autem quin paucula, quæ a Marggravio non tradita inveni experimentula, circa hocce vitrum, tradam sequentia.

a. Quod pondus ejus specificum sit ad Alcohol uti 27. est ad

8:00.

β. In Alcohole purissimo vel frigido vel ebulliente nullam subit mutationem, sed imminuto perstat pondere.

2. Alcohol supra falinum hocce vitrum si accenditur, solito

colore flamma gaudet.

3. A Spiritu Therebinthinæ æthereo etiam intactum ex-

pertus fum hoc vitrum falinum, ei immissum.

e. Licet (uti probe dicit Marggravius) cum alcali fixo ficco mixta vitri hujus folutio, vide Supra N. 5. more acidorum strenue effervescat, tamen si misceas alcalini fixi solutioni nulla prorsus effervescentia sit, sed placidissime coeunt, ast ex ambobus pellucidis, quodammodo opacus sit liquor atque turbidus, quod attentionem meretur.

¿. Syrupi Violarum colorem hujus vitri folutio faturatissima

nullatenus variare fecit, neque ipsum siccum vitrum.

n. Spiritus falis nativi ut & spiritus falis ammoniaci cum calce viva paratus, sine effervescentiæ nota miscentur, sed lacteus & opacus aliquomodo sit mixtrum color, evaporata vero hæc solutio nullas dedit crystallos, & post evaporationem residuo admixtum alcali

alcali fixum docuit evaporatione omnem spiritum admixtum

diffipatum fuisse.

0. Nitro, in tigillo fluenti, inspersi pulverisati sicci hujus vitri aliquid, unde nulla quidem orta est nitri deslagratio vel detonatio, sed leni cum strepitu paucus prodibat, conspicuus tamen, sumus: an excussum acidum nitri?

. Ejusdem vitrei salis solutio, commista cretæ pulveri,

quietem pristinam servavit plane.

x. Eo tempore, quo vitrum hocce in aqua destillata solvitur, Thermometrum Fahrenheitanum immissum non mutabatur.

Paucula hæc experimenta id ergo docent, quod licet celeberrimus Marggravius, neque tamen levi de causa, verum putet esse acidum, tamen

A. Syrupi violarum colorem ab eo non rubescere, vide

Lit. 3.

B. Alcali fixi folutionem cum eo non effervescere Litt. c.

C. Cretæ pulverem nullam in eo excitare Effervescentiam

An verum ex hoc vitro salino vitrum sieri posset, si cum arena &c. rite tractaretur?

Quænam funt dotes falis, ex unione hujus vitri cum alcali

fixo vegetabili orti? vide Marggravium J. 19.

Vitrum hocce, quod in igne fixissimum deprehenditur, & nullo experimento volatile redditur, nisi sola Phosphori confectione, an, dum Phosphoro combusto forma liquida remanet, pristinæ iterum foret fixitatis, vel aliquo certo in gradu volatile jamjam redditum?

Quid faceret venæ animalis infusa ejus solutio?

Possetne alicujus usus esse in Medicina?

### J. V.

Salis nativi integri, purique, fapor est grate blandeque salsus, nullo modo acidus vel urinosus.

2°. Quantitas aquæ ad folutionem hujus requisita adeo insigniter pendet ab vario caloris gradu, ut in genere certi nil definiri

finiri queat; ut tamen aliquod exemplum præbeam; unciæ aquæ puræ, cui immissum thermometrum exactissimum (fumma cum cura ab Henrico Prinfio ad fealam Fahrenheitfianam constructum) gradum 56. notabat, immisi uno ictu unciam dimidiam falis nativi puriffimi, & fubtiliffime pulverifati, vafculum autem in gyrum agitavi, ut probe cum aqua moveretur; defcendebat mox thermometrum ad gradum 52. quum ibi aliquamdiu remansisset mercurius, tandem iterum ad priorem elevabatur Gradum 56. quem ubi occupabat, separavi exactissime omne liquidum a superstite non soluto sale; hunc siccatum leniter ponderavi, & inveni exacte esse ponderis duarum drachmarum cum dimidia, unde patet octo drachmas aquæ potuisse modo folvere drachmam unam cum dimidia falis adhibiti, sub memoratis conditionibus; id est, in calore 56 graduum & adhibita concuffione vafis. Iftas autem falis fuperstitis drachmas duas cum dimidia folutioni isti iterum admifcui, fed nunc calefeci quo usque manus ferre posset, sicque plane disparuit tota dimidia falis uncia, nullufque dubito, quin si ad ebullitionem usque calefecissem, plus salis adhuc solvi potuisset: Refrigerando tamen nostra hæc folutio excussit denuo binas cum dimidia drachmas, forma crystallorum regularium.

3°. Crystallulorum ejus salis ordinatissimarum corpus videtur collectio paralelle sibi ad & impositorum parvulorum prismatum, æqualium inter se, lateribus quatuor longis, etiam inter se aequalibus, binisque extremitatibus obtruncatis con-

stantium.

4°. Igni impolitus nudo funditur citissime, posteaque iterum solidescit, boracis adinstar.

5°. Pondus specificum ejus est ad alcohol, uti 22 100 :: 11300.

6°. Admixtum ejus solutioni acidum vitrioli purissimum placidissime intrabat, ut & Spiritus Nitri salisque Glauberiani, atque aceti per cretam spiritus secerunt.

7°. Admixtus ejus folutioni spiritus alcalinus volatilis urinæ

humanæ putrefactæ, eodem se gessit modo.

8°. Mista ejus solutio syrupo violarum, colorem ejus immutatum reliquit. 9°. Alcali fixum pulverisatum, vel ejus folutio huic folutioni admista, nullum præbuit effervescentiæ signum.

10°. In aëre siccissimum perstat hocce sal, sed haud raro ex-

tus nivea quasi albedine sicca tamen calcinari videtur.

11°. Nitro in tigillo fluenti inspersus sal nativus, cum strepitu oberravit aliquamdiu in ejus superficie, donec solutus evanesceret; nulla tamen scintillatio vel accensio nitri siebat, sed pauci fumi exhalabant.

12°. Sal noster siccus purusque, immissus alcoholi since-

rissimo, infolubilis perstitit media ipsa ejus in ebullitione.

13°. Alcoholis super immissum salem accensi flamma, leviter

viridifcere ultra folitum videbatur.

14°. Alcohol, faturatissimæ hujus salis solutioni affusum, limpidissimam ipsam atque excolorem, uno ictu turbidam opacam reddidit, atque albescentem, deponentemque ad sundum vasis undequaque, etiam ad latera, Salis crystallulos excussas de aqua in alcohol assumta, quæ prius unita hæserat cum dissoluto sale, dum eodem, quo hæc siebant, tempore Thermometrum immissum decem gradus ascendit; vide Boerhaave Chemiæ Tom. I. pag. 581.

15°. Calx viva, folutioni falis nativi infperfa, nullum inde prodire fecit odorem; ubi vero valde calefaciebam, aliquis, fed levissimus odor alcalinus prodibat; fal ipse siccus, cum calce viva in mortario validissime contritus, quoque tam parum spiritus alcalini volatilis excussit, ut olfactu, vel admoto

spiritu aceti fortissimo, vix potuerit detegi.

16°. Salis nativi solutioni, saturatæ atque puræ,

Immissum & per totam noctem relictum Auri frustulum,
Stanni rasura,
Plumbi granula,
Argenti vivi globuli,
Argenti Solidi ramenta,

inde nullo modo rodi obfervabantur.

Ferri vero limatura lacteam, sed dilutam, opacitatem communicabat eidem salis solutioni.

Cu-

Cupri limatura leviter arrodebatur, viridique colore tingebat.

Bismuthum intactum remansisse vidi.

Zincum vero, subtilissime rasum, statim ac probe calesieret falis nativi, cui immissim erat, solutio, vere solvi vidi, sed parca in copia, & lente: cæterum & bullularum continua ejectio aderat.

Antimonii crudi pulvis non potuit folvi ab eadem folutione

falis nostri.

17°. Salis nativi folutio, instillata folutioni auri in aqua regia factæ, illam non mutavit.

2. Argenti in aqua forti facta fotutio, præcipitem dedit pul-

visculum album, aft paucum.

3. Argenti vivi folutio, in aqua forti facta, unico ictu fere tota in massam albissimam mutabatur.

4. Cupri in aqua forti folutio idem præcise præbuit phæno-

menon.

5. Solutio ferri in aqua forti facta itidem.

6. Solutio stanni in aqua regia itidem.

7. Solutio plumbi, in aqua forti, immutata tulit folutionis nostræ salinæ admixtionem.

8. Bismuthi folutio præcipitata est in pulverem albissimum.

9. Zinci per aquam fortem folutio nil passa est.

10. Antimonii in aqua regia solutio autem denuo in albedi-

nem præcipitabatur.

18°. De viribus medicis nil expertus sum; Celeberrimus Boerhaavius Diureticam ei adscribit ac. Diaphoreticam, pag. 318. Tomi 2°. Chemiæ; urinæ recentis inspissatæ ad consistentiam mellis, vis Medica adversus dolores Rheumaticos, quam ei adscribi dicit Quincy in Pharmacopæa sua officinali & extemporanea, Anglice conscripta pag. 248. Numero 606. forte etiam pendet a Sale Nativo, qui tunc se forma crystallorum jam separat plus minusve.

19°. Quum (vide §. 4.) videram falem nativum simplici ignis actione præbere alcali volatile simile ei quod cum calce viva ex sale Ammoniaco paratur; verisimile autem minime

fit

fit substitisse, hanc mihi sinxi hypothesin, acidum salis Nativi habere singularem illam dotem, ut alcali volatile vulgare, dum sibicutione univit, sic quoque ea unione mutet, ut talem acquirat naturam qualem in spiritu salis ammoniaci per calcem vivam parato prius deprehenderant Chemici; istam vero hypothesim, præter illud experimentum, sin initio §. 4.) in quo solius ignis actio salem nativum in talem spiritum suumque

acidum resolvit,

2°. Hoc quoque experimentum demonstrare videtur, quod nempe alcali fixum vulgare purum siccumque, si pulverisatum immittitur solutioni salis nativi, contentæ intra phialam Chemicam, eique imponatur alembicus cum appenso excipulo, lenisque modo applicetur ignis, prodeat tum non alcali volatile vulgare, forma crystallina, vel saltem (si sub forma liquida prodit) striatim decurrens spiritus, qualem alcali sixum ex re cui inest semper separare solet; sed sterum spiritus alcalinus, non ad crystallos redigi valens, roridarum guttarum in alembico auctor, cum acidis non effervescens, sed cum acido vitrioli & aceti sortissimis in aëre sumum excitans &c. id est verus spiritus igneus a Boerhaavio dictus;

3°. Quia sal nativus regeneratus, (vide lit. d. §. 4.) ex acido salis nativi & spiritu alcalino volatili vulgari, si cum alcali sur tractetur, itidem talem exhibet Spiritum igneum, loco Spiritus alcali volatilis vulgaris, in quo exemplo res clare patere videtur. Mutat igita acidum nostri salis admixtum sibi alcali volatile vulgare in stratarem speciem, & sic quidem ut ineptum siat, quod cum ectlem acido iterum uniatur, multo minus in salem compositum apire possit. (vide lit. n. §. 4.)

Nonne quoque ex hac hypothesi explicare valemus, cur salis nativi impurissimi, qualis primo ex urina acquiritur, solutio per aliquot menses reposita putrescat; aperta postea spiret sortissimum Spiritum alcasinum volatilem, evaporata vero nullas det crystallos, sed merum salis nativi præbeat in residuo acidum? tali enim in casu putresactio solutioni conciliata per oleum sali impuro adhærens, agens in salem nativum separavit inde alcali volatile, quod dam non aptum erat, quod cum acido suo ite-

D rum

rum coïret in falem neutrum, necessario evaporando debebat dissipari, si enim aptum foret uniri cum acido, non dissipare-

tur, fed cum eo in salem nativum regeneraretur.

En habes, Lector Benevole, meorum Experimentorum, quæ circa falem nativum institui, terminum! Nemo autem putet me in istac esse opinione, ac si simul totam ejus Historiam absolvissem; præterquam enim quod innumera supersunt corpora, quæ huic fali applicari variis modis possint; vel id unicum ad nunquam forte integre abfovendum hocce thema fufficit, nempe inquisitio in naturam salium nativorum, quos animalium fuppeditabunt urinæ, quasque fingulas varium præbere falem voluit Helmontius, libro de sextoplici digestione alimenti humani. pag. 176. & 177. ubi dicit: fal lotii (humani nempe) ergo non babet fibi in toto Systhemate Naturæ simile; non enim marinus, fontalis, Rupeus, Gemmeus, non Nitrum, non petræ, aluminis aut Boracis; non denique Naturalium ullus, ut neque sal urinæ gregun vel armentorum ; quibus etsi in modo fiendi conveniat , dissentit tamen sul urinæ humanæ ab illis per genera & species non minus, quam fimi per species Brutorum variant, licet communi pascantur pabulo. Quæ certe res Chemicorum examine dignissima est, sed cui forte nulla posteritas sufficiet si per omnia genera speciesque rite pertractabitur. Ego vero, qui propositum mihi absolvi penfum, calamum pono.



# COROLLARIA.

I.

Sal Nativus, sive ex recenti sive ex putrefacta paretur Urina, idem est omni dote.

I I.

Sal Nativus est verus sat neuter.

III.

Acidum ejus est verum acidum animale.

IV.

Acidum ejus unitum alcali volatili vulgari verum salem Nativum præbet regeneratum.

Acidum ejus mutat ista sui unione alcali volatile vulgare in singularem speciem.

# COROLLARIO

I

Sal Nations, fee extending for every con-

II

Sof Madigues of curious fail mentions.

JII

Acidem ryus off warnin acidem asimalis.

71

Acidian cjus unitum alcali colanili vulgari velum folom Lational prabet resgeneratum

159

Acidian, ejus minat ista sui unione cleation valarite valgence in sugularem specient